

jutorium nostrum in nomine Domini. ¶. Qui fecit cœlum et terram. ¶. Domine, exaudi orationem meam. ¶. Et clamor meus ad te veniat. ¶. Dominus vobiscum. ¶. Et cum spiritu tuo, et attente, reverenter ac devote legat benedictionis verba.

7. Deinde dicatur oratio propria, una, vel plures, prout suo loco notatum fuerit; manuque formetur Crucis signum, ubi est nota haec ✕.

8. Postea aqua benedicta rem aspergat in fine ter, hoc est in medio, à dextris, et à sinistris; et ubi notatum fuerit, pariter incenset, nihil dicendo.

TITULUS I.

DE VARIIS BENEDICTIONIBUS RERUM NON RATIONABILUM.

Benedictiones quæ in hoc titulo I continentur fieri possunt à quolibet simplici Sacerdote.

ORDO AD FACIENDAM AQUAM BENEDICTAM.

(Ex Missali Rom.).

Diebus Dominicis, et quomodocumque opus fuerit, præparato sale et Aqua munda benedicenda in ecclesia, vel in sacristia, Sacerdos superpelliceo et stola violacea indutus, primo dicit:

¶. Adjutorium nostrum in nomine Domini.
¶. Qui fecit cœlum et terram.

Deinde absolute incipit exorcismus salis.

Exorcizo te, creatura salis, per Deum ✕ vivum, per Deum ✕ verum, per Deum ✕ sanctum: per Deum, qui te per Eliseum Prophetam in aquam mitti jussit, ut sanaretur sterilitas aquæ: ut efficiaris sal exorcizatum in salutem credentium, et sis omnibus sumentibus te sanitas animæ et corporis: et effugiat atque discedat à loco, in quo aspersum fueris, omnis phantasia et ne-

quitia, vel versutia diabolicae fraudis, omnisque spiritus immundus adjuratus per eum, qui venturus est judicare vivos et mortuos, et sæculum per ignem.
¶ Amen.

OREMUS.

Immensam clementiam tuam, Omnipotens æterne Deus, humiliter imploramus: ut hanc creaturam salis, quam in usum generis humani tribuisti, bene ☧ dicere, et sanctificare tua pietate digneris: ut sit omnibus sumentibus salus mentis et corporis; et quidquid ex eo tactum, vel respersum fuerit, careat omni immunditia, omni impugnatione spiritalis nequitiae. Per Dominum nostrum, etc. ¶ Amen.

Exorcismus aquæ et dicitur absolute:

Exorcizo te, creatura aquæ, in nomine Dei ☧ Patris Omnipotentis, et in nomine Jesu ☧ Christi Filii ejus, Domini nostri, et in virtute Spiritus ☧ Sancti; ut fias aqua exorcizata ad effugandam omnem potestatem inimici, et ipsum inimicum eradicare et explantare valeas cum angelis suis apostaticis; per virtutem ejusdem Domini nostri Jesu-Christi, qui venturus est judicare vivos et mortuos, et sæculum per ignem. ¶ Amen.

OREMUS.

Deus, qui ad salutem humani generis maxima quæque sacramenta in aquarum substantia condidisti: adesto propitiis invocationibus nostris; et elemento huic multimodis purificationibus præparato, virtutem tuæ

bene ☧ dictionis infunde: ut creatura tua ministeriis tuis serviens, ad abigendos dæmones, morbosque pellegendos, divinae gratiæ sumat effectum: ut quidquid in domibus, vel in locis fidelium hæc unda resperserit, careat omni immunditia, liberetur à noxa: non illic resideat spiritus pestilens, non aura corrumpens: descendant omnes insidiae latentis inimici; et si quid est, quod aut incolumitati habitantium invidet, aut quieti, aspersione hujus aquæ effugiat: ut salubritas per invocationem sancti tui nominis expetita, ab omnibus sit impugnationibus defensa. Per Dominum nostrum Jesum-Christum, etc. ¶ Amen.

Hic ter mittat sal in aquam in modum Crucis, descendendo semel:

Commixtio salis et aquæ pariter fiat, in nomine Patris, et Fili, et Spiritus ☧ Sancti. ¶ Amen.

- ¶. Dominus vobiscum.
- ¶. Et cum Spiritu tuo.

OREMUS.

Deus invictæ virtutis auctor, et insuperabilis imperii Rex, ac semper magnificus triumphator: qui adversæ dominationis vires reprimis; qui inimici rugientis sævitiam superas; qui hostiles nequicias potenter expugnas: te, Domine, trementes, ac supplices deprecamur, ac petimus; ut hanc creaturam salis et aquæ dignanter aspicias, benignus illustres, pietatis rore sanctifices: ut ubicunque fuerit aspersa, per invocationem sancti

nominis tui, omnis infestatio immundi spiritus abigatur; terrorque venenosí serpentis procul pellatur; et præsentia Sancti Spiritus nobis misericordiam tuam poscentibus, ubique adesse dignetur. Per Dominum nostrum in unitate ejusdem Spiritus Sancti. **r.** Amen.

**ASPERGIO AQUÆ BENEDICTÆ SUPER POPULUM PER ANNUM
FACIENDA.**

(Ex Rituall Vicen.)

Aqua sic benedicta, Sacerdos celebraturus, pluviali (si adsit) officio convenienti induitus, aut alba, ac stola, accedat ad altare, et ibi genuflectens cum ministris (si aderint) accipiet à Diacono aspersorium, et primo ter asperget altare, deinde se, et Ministros, postea populum, intonando hanc Antiphonam, nisi dicenda sit, quæ inferius assignatur.

Antiph. Asperges me, Domine, hyssopo, et mundabor, lavabis me, et super nivem dealbabor.

Psalm. Miserere mei, Deus, secundum magnam misericordiam tuam. **x.** Gloria Patri, et Filio, et Spiritui Sancto. **r.** Sicut erat in principio, et nunc, et semper, et in sœcula sœculorum. Amen.

Antiph. Asperges me, etc.

Prædicta Antiphona dicitur per annum; in Dominica vero Passionis, et Palmarum non dicitur Gloria Patri; sed absolute finito Psalmo: Miserere, repetitur ipsa Antiphona.

Tempore vero paschali cantatur Antiphona sequens:

Antiph. Vidi aquam egredientem de templo à latere

dextro; alleluia : et omnes, ad quos pervenit aqua ista, salvi facti sunt, et dicent alleluia, alleluia.

Psalm. Confitemini Domino quoniam bonus : quoniam in sœculum misericordia ejus. **x.** Gloria Patri, et Filio, et Spiritui Sancto. **r.** Sicut erat in principio, et nunc, et semper, et in sœcula sœculorum. Amen.

Et repetitur Antiphona: Vidi aquam.

In diebus autem Sabbati Sancti, et Pentecostes, fit aspersio aqua recenter benedicta; ante tamen olei sancti, et chrismatis infusionem.

Finita autem Antiphona, et reverso celebrante ad gradus altaris, ibi stans, dicat :

x. Ostende nobis Domine misericordiam tuam. Tempore paschali addatur Alleluia, etiam in responsorio.

r. Et salutare tuum da nobis.

x. Domine, exaudi orationem meam.

r. Et clamor meus ad te veniat.

x. Dominus vobiscum.

r. Et cum spiritu tuo.

OREMUS.

Exaudi nos, Domine Sancte, Pater Omnipotens, Eterne Deus : et mittere digneris sanctum Angelum tuum de celis, qui custodiat, foveat, protegat, visitet, atque defendat omnes habitantes in hoc habitaculo. Per Christum Dominum nostrum. **r.** Amen.

Prædicta Aspersio aquæ benedictæ super populum fieri debet ante Missam omnibus diebus Dominicis anni (licet non fiat officium de Dominica) finita tertia, ubi erit consuetudo hanc recitandi.

BENEDICTIO ET ASPERSIO SALIS ET AQUE PER DOMOS IN
HEBDOMADA SANCTA, VULGO *Sal-pas.*

(Ex Rituali Vicen. et Urg.).

*Hæc privative attinet ad Parochum; et de ipsius
licentia fieri potest à simplici Sacerdote.*

*Parochus, aut Sacerdos, indutus superpelliceo, et
stola violacei coloris, in Ecclesia salem et aquam bene-
dicet modo supra dicto pag. 21. Facta benedictione Sa-
cerdos eodem modo indutus cum Ministro salem et aquam
benedictam deferente ibit per parochianorum domos, et
antequam egrediatur ab Ecclesia, dicat se muniendo sig-
no crucis:*

Per signum ✕ Crucis, de inimicis ✕ nostris libera
nos ✕ Domine Deus noster. In nomine Patris ✕ et Fi-
lli, et Spiritus Sancti. Amen.

Benedicta sit sancta, et individua Trinitas nunc, et
semper per infinita sæcula sæculorum. Amen.

*Dum egreditur è templo, dicat: Vias tuas, Domine,
demonstra mihi, et semitas tuas edoce me. Gloria Pa-
tri, et Filio, et Spiritui Sancto, etc.*

*Et cum pervenerit ante januam cuiusque domus, cum
aspersorio ponat aquam benedictam in limine, vel in ipsa
janua, deinde paululum salis, et dicat:*

Signum salutis pone, Domine, in domibus istis, et
non permittas introire in illas Angelum percutientem.

Vel dicat:

De coelo pone signum tuum, Domine, in domibus

istis, et protege omnes habitantes in illis, et non erit
in eis plaga nocens.

*Posito sale in vestibulis foraneis (qui sit necesse il-
lud ponere intra domum nec in fenestrarum) dicet ante prin-
cipalem januam domus:*

- ¶. Ostende nobis Domine misericordiam tuam.
- ¶. Et salutare tuum da nobis.
- ¶. Domine, exaudi orationem meam.
- ¶. Et clamor meus ad te veniat.
- ¶. Dominus vobiscum.
- ¶. Et cum spiritu tuo.

OREMUS.

Exaudi nos, Domine Sancte, Pater Omnipotens,
Æterne Deus, et sicut domos Hebraeorum in exitu de
Ægypto agni sanguine linitas (quod Pascha nostrum,
in quo immolatus est Christus, figurabat) ab Angelo
percutiente custodisti: ita mittere digneris sanctum An-
gelum tuum de cœlis, qui custodiat, foveat, protegat,
visitet, atque defendat omnes habitantes in hoc ha-
bitaculo. Per eundem Christum Dominum nostrum.
¶. Amen.

BENEDICTIO DOMORUM IN SABBATO SANCTO PASCHE.

(Ex Rit. Rom. Pauli V).

*Parochus, seu alius Sacerdos, superpelliceo et stola
alba indutus, cum ministro deferente vas aquæ ex bene-
dictione Fontium ante profusionem Chrismatis acceptæ,
visitat domos sue Parochiæ aspergens eas aqua bene-
dicta.*

Ingrediens domum dicit:

Pax huic domui, et omnibus habitantibus in ea.

Deinde aspergens loca præcipua domus, et eos qui habitant in ea, dicit Antiphonam:

Vidi aquam egredientem de templo à latere dextro, alleluia : et omnes ad quos pervenit aqua ista, salvi facti sunt, alleluia, alleluia.

Psalm. Confitemini Domino, quoniam bonus : quoniam in sæculum misericordia ejus.

¶. Gloria Patri, et Filio, et Spiritui Sancto, etc.

Repetitur Antiphona: Vidi aquam, etc.; *deinde dicit:*

¶. Ostende nobis, Domine, misericordiam tuam, alleluia.

¶. Et salutare tuum da nobis, alleluia.

¶. Domine, exaudi orationem meam.

¶. Et clamor meus ad te veniat.

¶. Dominus vobiscum.

¶. Et cum spiritu tuo.

OREMUS.

Exaudi nos, Domine Sancte, Pater Omnipotens, Æterne Deus, ut sicut domos Hebræorum in exitu de Ægypto, agni sanguine linitas (quod Pascha nostrum, in quo immolatus est Christus, figurabat) ab Angelo percutiente custodisti : ita mittere digneris sanctum Angelum tuum de cœlis, qui custodiat, foveat, protegat, visitet, atque defendat omnes habitantes in hoc habitaculo. Per eundem Christum Dominum nostrum. ¶. Amen.

ALIA BENEDICTIO DOMORUM ALIO TEMPORE, SEU INTRA ANNUM FACIENDA CUM ASPERSIONE AQUÆ BENEDICTÆ.

(Ex Rit. Rom. et Vicen.).

Parochus, seu alii Sacerdotes volentes aliquam particularē domum, vel generaliter domos fidelium alio tempore infra annum aspergere aqua benedicta, ingredientes domum dicant:

Pax huic domui, et omnibus habitantibus in ea.

Deinde loca aspergendo, dicant Antiphonam :

Asperges me, Domine, hyssopo, et mundabor : lavabis me, et super nivem dealbabor.

Psalm. Miserere mei, Deus, secundum magnam misericordiam tuam.

¶. Gloria Patri, et Filio, et Spiritui Sancto, etc.

Et repetitur Antiphona: Asperges me, etc.

¶. Domine, exaudi orationem meam.

¶. Et clamor meus ad te veniat.

¶. Dominus vobiscum.

¶. Et cum spiritu tuo.

OREMUS.

Exaudi nos, Domine Sancte, Pater Omnipotens, Æterne Deus : et mittere digneris sanctum Angelum tuum de cœlis, qui custodiat, foveat, protegat, visitet atque defendat omnes habitantes in hoc habitaculo. Per Christum Dominum nostrum. ¶. Amen.

Deinde asperget aqua benedicta.

BENEDICTIO TERMINI IN DIE SANCTÆ CRUCIS MENSIS MAII.

(Ex Rit. Vicen. et Urg.).

*In die sanctæ Crucis, quæ est tertia Maii, fit Proces-
sio ab Ecclesia ad locum (vulgo lo Padró), ubi benedictio
termini fieri solita est: ad quam benedictionem quatuor
Diaconi, aut Sacerdotes (si commode fieri potest) dispo-
nentur dalmaticis induiti, aut saltem superpelliceis, et
stolis, ut quatuor Evangelia inferius posita decantent.*

*Ad Processionem Sacerdos induitus amictu, alba, aut
superpelliceo, stola, et pluviali rubri coloris, genuflectet
coram Altari Majori, medius inter Diaconum, et Sub-
diaconum. In Altari vero erit lignum Crucis, si adest, aut
alia Crux, ante quam omnes genuflectent dempto Crucifi-
fero: et Praecentores, aut duo Cantores intonabunt lita-
nias Sanctorum, ut infra: pag. 40, et cum ab ipsis dictum
fuerit: Sancta Maria, surgent omnes, et Sacerdos
ascendet ad Altare Majus, et genuflectione facta, mani-
bus lignum Crucis aut Crucem accipiet, quam cooperiet
extremitatibus veli, de ipsius humeris pendentis, quam in
Processione summa decentia et devotione afferet, et Can-
tores litanias prosequentur.*

*Cum Processio pervenerit ad locum, ubi benedictio est
facienda, cessabunt litaniae, et unus à Diaconi ante Cru-
cem, seu lignum Crucis genuflexus dicet: Munda cor
meum, etc.; et si Sacerdos solus sit ad Evangelia can-
tanda, semel tantum dicat: Munda cor meum, etc.*

*Dicto à Diacono: Munda cor meum, et accepta be-
nedictione à Sacerdote, canet Evangelium Sancti Joan-*

*nis versus Orientem, Sacerdote etiam versus Orientem
stante, dicens:*

- ¶. Dominus vobiscum.
- ¶. Et cum spiritu tuo.
- ¶. Initium Sancti Evangelii secundum Joannem.
- ¶. Gloria tibi Domine.

Et interim accepto thuribulo incensat librum Evangelii.

In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt: et sine ipso factum est nihil. Quod factum est, in ipso vita erat: et vita erat lux hominum, et lux in tenebris lucet, et tenebrae eam non comprehendenterunt. Fuit homo missus à Deo, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera quæ illuminat omnem hominem venientem in hunc mundum. In mundo erat, et mundus per ipsum factus est, et mundus eum non cognovit: in propria venit, et sui eum non receperunt. Quodquod autem receperunt eum, dedit eis potestatem filios Dei fieri, his qui credunt in nomine ejus: qui non ex sanguinibus, neque ex voluntate carnis, neque ex voluntate viri, sed ex Deo nati sunt (*hic genuflectitur*). ET VERBUM CARO FACTUM EST, et habitavit in nobis: et vidimus gloriam ejus, gloriam quasi Unigeniti à Patre plenum gratiæ, et veritatis.

Evangelio decantato, Sacerdos, tenens in manibus lig-

*num sanctæ Crucis, vadit ad locum ubi cantatum fuit,
et cum Diacono intonat sequentem Antiphonam, Clero
illam prosequente:*

*Ecce Crucem Domini, fugite partes adversæ, vicit
Ieo de tribu Juda, radix David. Alleluia.*

Finita Antiphona Sacerdos dicet:

- ¶. Per signum Crucis de inimicis nostris. Alleluia.
- ¶. Libera nos Deus noster. Alleluia.
- ¶. Domine, exaudi orationem meam.
- ¶. Et clamor meus ad te veniat.
- ¶. Dominus vobiscum.
- ¶. Et cum spiritu tuo.

OREMUS.

*Domine Sancte, Pater Omnipotens, Sempiterne Deus;
bene ✕ dicere dignare terminum istum, quem nos in-
digni famuli tui, per invocationem Filii tui Domini nos-
tri Jesu-Christi benedicere præsumimus: et eum clem-
tissima tua benedic ✕ tione sanctifica, et ad pro-
fectum, atque illuminationem sanctæ tuæ Ecclesiæ pro-
venire concede. Per eumdem Christum Dominum nos-
trum. ¶. Amen.*

*Finita oratione, alius Diaconus, dicto: Munda cor
meum, etc., et accepta benedictione à Sacerdote versa
facie ad Occidentem dicet:*

- ¶. Dominus vobiscum.
- ¶. Et cum spiritu tuo.

¶. Sequentia Sancti Evangelii secundum Marcum.
¶. Gloria tibi Domine.

Et interim incensat librum Evangelii.

In illo tempore: Recubentibus undecim discipulis, apparuit illis Jesus, et reprobravit incredulitatem eorum, et duritiam cordis: quia his, qui viderant eum resurrexisse, non crediderunt. Et dixit eis, euntes in mundum universum, prædicate Evangelium omni creaturæ. Qui crediderit, et baptizatus fuerit salvus erit. Qui vero non crediderit, condemnabitur. Signa autem eos, qui crediderint, hæc sequentur. In nomine meo dæmonia ejicient, linguis loquentur novis, serpentes tollent, et si mortiferum quid biberint, non eis nocebit: super ægros manus imponent, et bene habebunt. Et Dominus quidem Jesus, postquam locutus est eis, assump-
tus est in cœlum, et sedet à dextris Dei. Illi autem pro-
fecti, prædicaverunt ubique; Domino cooperante, et sermonem confirmante, sequentibus signis.

*Finito Evangelio, Sacerdos tenens manibus lignum
sanctæ Crucis, vadit ad locum ubi cantatum fuit, et cum
Diacono intonat supradictam Antiphonam: Ecce Crucem
Domini, etc.; et ea finita, dicet:*

- ¶. Hoc signum Crucis erit in Cœlo. Alleluia.
- ¶. Cum Dominus ad judicandum venerit. Alleluia.
- ¶. Domine, exaudi orationem meam.
- ¶. Et clamor meus ad te veniat.
- ¶. Dominus vobiscum.
- ¶. Et cum spiritu tuo.

OREMUS.

Omnipotens Sempiterne Deus, aedificator et custos Hierusalem Civitatis supernæ, aedifica, et custodi civitatem, et terminum nostrum cum habitatoribus suis: ut perpetim sit in eis domicilium incoluntatis, et pacis. Per Christum Dominum nostrum. **r.** Amen.

Finita hac oratione, alias Diaconus, dicto etiam: Munda cor meum, etc., et accepta à Sacerdote benedictione, versa facie ad Meridiem, dicet:

v. Dominus vobiscum.

r. Et cum spiritu tuo.

v. Sequentia Sancti Evangelii secundum Lucam.

r. Gloria tibi Domine.

Et interim incensat librum Evangelii.

In illo tempore: Missus est Gabriel Angelus à Deo in Civitatem Galilææ, cui nomen Nazareth ad Virginem desponsatam viro, cui nomen erat Joseph de domo David, et nomen Virginis Maria. Et ingressus Angelus ad eam dixit: Ave gratia plena, Dominus tecum: benedicta tu in mulieribus. Quæ cum audisset, turbata est in sermone ejus; et cogitabat, qualis esset ista salutatio. Et ait Angelus ei: Ne timeas Maria: invenisti enim gratiam apud Deum. Ecce concipies in utero, et paries Filium: et vocabis nomen ejus Jesum. Hic erit Magnus, et Filius Altissimi vocabitur. Et dabit illi Dominus Deus sedem David Patris ejus, et regnabit in aeternum, et regni ejus non erit finis. Dixit autem Maria ad

Angelum: Quomodo fiet istud, quoniam virum non cognosco? Et respondens Angelus, dixit ei: Spiritus Sanctus superveniet in te, et virtus Altissimi obumbrabit tibi. Ideoque, et quod nascetur ex te sanctum, vocabitur filius Dei. Et ecce Elisabeth cognata tua, et ipsa concepit filium in senectute sua, et hic mensis sextus est illi, quæ vocatur sterilis: quia non erit impossibile apud Deum omne verbum. Dixit autem Maria: Ecce ANCILLA DOMINI, FIAT MIHI SECUNDUM VERBUM TUUM.

Dicto Evangelio, Sacerdos tenens manibus lignum sanctæ Crucis vadit ad locum ubi fuit cantatum, et cum Diacono intonat Antiphonam: Ecce Crucem, etc.; et ea finita, dicit:

v. Nos autem gloriari oportet. Alleluia.

r. In Cruce Domini nostri Jesu-Christi. Alleluia.

v. Domine, exaudi orationem meam.

r. Et clamor meus ad te veniat.

v. Dominus vobiscum.

r. Et cum spiritu tuo.

OREMUS.

Creator omnium, Deus, qui semina subtus terram posita multiplicare, et fructificare facis, et in usus nostros misericorditer concedis, intercedente Beata Dei Genitrici Maria, supplicationes nostras placatus intende: ut hæc seminum genera bene  dicere, et sanctificare tua pietate digneris. Per Christum Dominum nostrum. **r.** Amen.

Finita hac oratione, alias Diaconus, dicto etiam: Mun-